



Քաղաքականության համառոտագիր

Հայաստանի էներգետիկ ոլորտի մոտարկումը ՀԸԳՀ-ին և ԵՄ հրահանգներին

Ներածություն

Հայաստանի և Եվրոպական միության միջև 2021 թվականից ուժի մեջ մտած Համապարփակ և ընդլայնված գործընկերության համաձայնագիրը (ՀԸԳՀ) սահմանում է Հայաստանի՝ իր էներգետիկ օրենսդրությունն ու շուկան ԵՄ չափանիշներին համապատասխանեցնելու պարտավորությունը: Այն ներառում է առանցքային բարեփոխումներ էներգաարդյունավետության, վերականգնվող էներգետիկայի, շենքերի էներգաարդյունավետության, էներգետիկ շուկաների և միջուկային անվտանգության ոլորտներում: Այնուամենայնիվ, օրենսդրական մոտարկումը տարբեր ուղղություններում անհամաչափ է, իսկ ինստիտուցիոնալ և իրականացման զգալի բացերը շարունակում են խոչընդոտել Հայաստանի էներգետիկ անցմանը և ՀԸԳՀ-ի պահանջների լիարժեք կատարմանը:

Սույն քաղաքականության համառոտագիրը ներկայացնում է ՀԸԳՀ-ի էներգետիկ բաղադրիչին Հայաստանի համապատասխանությունը գնահատող մոնիթորինգի զեկույցի արդյունքները: Հետազոտությունը վերլուծում է ԵՄ հրահանգների հետ իրավական և ինստիտուցիոնալ մոտարկման ներկա վիճակը, մատնանշում է հիմնական գործնական խոչընդոտները և ներկայացնում է առաջարկություններ՝ ապացույցների վրա հիմնված քաղաքական բարեփոխումները խթանելու համար: Սույն համառոտագրի նպատակն է տեղեկացնել շահագրգիռ կողմերին, ուղղորդել ապագա օրենսդրական նախաձեռնությունները և ամրապնդել Հայաստանի ռազմավարական համապատասխանությունը ԵՄ էներգետիկ քաղաքականությանը, հատկապես՝ «Եվրոպական կանաչ գործարքի» և «Fit-for-55» փաթեթի համատեքստում:

Հիմնական բացահայտումներ

1. Իրավական մոտարկում.

- Հայաստանը զգալի առաջընթաց է գրանցել՝ ԵՄ հրահանգներին համապատասխանեցնելով վերականգնվող էներգետիկայի, էներգաարդյունավետության և շենքերի էներգետիկ ցուցանիշների վերաբերյալ իր օրենսդրությունը:
- Գրեթե առաջընթաց չկա Էկոդիզայնի և պիտակավորման ոլորտներում՝ ԵԱՏՄ կանոնակարգերի հետ հակասությունների պատճառով, և էլեկտրաէներգիայի



միջսահմանային (միջպետական) առեւտրի ոլորտում՝ շուկայի մեկուսացման պատճառով:

2. Ինստիտուցիոնալ եւ քաղաքականության բացեր.
 - Չնայած որոշ հիմնական հաստատությունների առկայությանը՝ դրանց լիազորությունները հստակ չեն, կիրառման կարողությունները թույլ են, եւ գերատեսչությունների միջեւ համագործակցությունը սահմանափակ է:
 - Բացակայում են առանցքային ռազմավարական գործիքներ՝ ինչպիսիք են շենքերի վերանորոգման երկարաժամկետ ռազմավարությունը, գրեթե զրոյական էներգասպառմամբ շենքերի (ԳՉԷՇ) ազգային ծրագիրը եւ էներգաարդյունավետության հավաստագրման գործուն համակարգը:
3. Էլեկտրաէներգիայի շուկայի բարեփոխում.
 - Հայաստանը 2022 թվականին մեկնարկեց էլեկտրաէներգիայի շուկայի ազատականացումը, սակայն կարգավորող շրջանակը դեռեւս ամբողջությամբ զարգացած չէ, ունի մրցակցային չեզոքություն սպահովող մեխանիզմների եւ վերականգնվող էներգետիկայի նոր հզորությունների խթանման գործիքների պակաս:
 - Հիմնական բացերից են ներօրյա (intraday) եւ հավասարակշռող շուկաների բացակայությունը, էլեկտրաէներգիայի կուտակման կարգավորման բացակայությունը եւ բաշխման ու համընդհանուր մատակարարման ոլորտի կենտրոնացումը մեկ օպերատորի ձեռքում:
4. Էներգետիկ աղբատություն եւ սոցիալական ներառում
 - ՀՀ օրենսդրությունում բացակայում են «էներգետիկ աղբատության» պաշտոնական սահմանումը եւ դրա չափման ցուցանիշները:
 - Գործող քաղաքականությունը նեղ իմաստով կողմնորոշված է դեպի «խոցելի սպառողները»՝ առանց անդրադառնալու ջերմային հարմարավետության կամ մատչելիության շեմերին:

Առաջարկություններ

1. Ռազմավարական շրջանակների ընդունում եւ իրականացում.
 - Մշակել, ընդունել եւ գործարկել Շենքերի վերանորոգման երկարաժամկետ ռազմավարությունը, Վերանորոգման միջոցառումների ծրագիրը եւ ԳՉԷՇ ճանապարհային քարտեզը:
 - Ապահովել, որ էլեկտրաէներգիայի շուկայի, վերականգնվող էներգետիկայի եւ էներգաարդյունավետության մասին սպասվող օրենսդրական փոփոխությունները համապատասխանեն ԵՄ հրահանգներին, մասնավորապես՝ վերանայված ՇԷԱՀ-ին (2024/1275) եւ ԷԱՀ-ին (2023/1791):
 - Էներգաարդյունավետության 2025-2027թթ. ազգային միջոցառումների ծրագրում (4-րդ ԷԱԱՄԾ) ներառել ԷԱՀ եւ ՇԷԱՀ պահանջները: Հաշվի առնելով



4-րդ ԷԱԱՄԾ ընդունման հետ կապված ուշացումները՝ դիտարկել դրա ժամկետի երկարաձգումը մինչև 2030թ.:

2. Ինստիտուցիոնալ համակարգման եւ կիրարկման ամրապնդում.
 - Հստակեցնել ՏԿԵՆ-ի, R2E2 հիմնադրամի, Արմատատի եւ Քաղաքաշինության կոմիտեի լիազորությունները եւ ամրապնդել դրանց կարողությունները: Հատկապես կարելու է ՏԿԵՆ-ի կարողությունների ամրապնդումը՝ էներգետիկ քաղաքականության ձեւավորման եւ կիրարկման ոլորտում:
 - Ստեղծել շենքերի էներգաարդյունավետության հավաստագրման հատուկ կառույցներ եւ գործարկել փորձաքննողների ու տեսուչների վերապատրաստման ծրագրեր:
3. Ծուկայի եւ կարգավորման կառուցվածքի վերանայում.
 - Ընդունել «Էլեկտրաէներգետիկայի մասին» եւ «Վերականգնվող էներգետիկայի եւ էներգաարդյունավետության մասին» նոր օրենքները՝ դրանցով փոխարինելով հնացած իրավական կարգավորումները եւ խթանելով շուկայի ազատականացումը:
 - Կարգավորել էներգիայի կուտակման, օր-առաջ առելուրի եւ ներդնողների համար թափանցիկ արտոնագրման գործընթացները:
4. Սոցիալական քաղաքականության մեջ էներգետիկ աղքատության ինտեգրում.
 - Մշակել էներգետիկ աղքատության պաշտոնական սահմանում եւ մոնիթորինգի ցուցանիշներ:
 - Ստեղծել նպատակային աջակցության ծրագրեր, որոնք ուղղված են էներգիայի մատչելիությանը, հատկապես՝ ձմռան շրջանում ջերմության ապահովմանը:
5. Վերհանել եւ հարթել ԵԱՏՄ կանոնակարգերի հետ հակասությունները.
 - Նախաձեռնել տեխնիկական համեմատական վերլուծություն՝ ՀԸԳՀ-ից բխող պարտավորությունները եւ ԵԱՏՄ տեխնիկական կանոնակարգերը համադրելու համար, հատկապես՝ Էկոդիզայնի եւ պիտակավորման ոլորտներում, որտեղ կարող են լինել էական համընկնումներ: Վերլուծության արդյունքներով պայմանավորված՝ դիտարկել ԵՄ Էկոդիզայնի եւ պիտակավորման կանոնակարգերի համապատասխանեցման գործընթացի վերագործարկումը:

Սույն համառոտագիրը հիմնված է ՀԸԳՀ-ի էներգետիկային վերաբերող դրույթների մոնիթորինգի զեկույցի վրա:

Հեղինակ՝ Աստղինե Պասոյան | astghine@gmail.com

Սույն հրապարակումը պատրաստվել է Եվրոպական միության ֆինանսական աջակցությամբ: Դրա բովանդակության պատասխանատվությունը կրում է բացառապես հեղինակը՝ Աստղինե Պասոյանը, և պարտադիր չէ, որ այն արտահայտի Եվրոպական միության տեսակետները: